

CRONICA SPORTIVA

Fô quiërre qyë fô to vérre. Doeutrëj an pachâ e plu biô bocon de prâ che vindan pâ qyë tsouja e tin. S't'a dère qyë pa na dzin prinjei à amoée pôrqyë bayéon po rin. Oora autan, oun bocon de marë a itâ paesa roddzo e raporte mei d'évéi qy i meloeu di ijï o bon du tin. Bâlo fica de dîna deqye ênd an fé. An fé chin que djon ouna îpatinoèrêi.

Fô dère qyë ché bocon ire plan e èeino à endjë. Chin fé q'an metu éiwoe e an achiâ dzââ esprë. E douréista pé tan maïno d'éivéi amu u Plan di Jehlouje, awoe bale pâ na gotta de choèi tan qyë brâmin oeutre p'o fourtin. Chin fé dou sin tèije chlba lache, choédzo coume de véirro.

- Ora bon! béi à dèqyë chërve?

- E benn, etàson djo'é botte ouna choorta de bôa carrAi. Mètton e termëno di dou béi, che partàdzon enn dou can e rèipa e rèipa! brètson à fèire pachà ché tûré enntrimiè di termino dij âtro. Che que fé méi de poen a gagnA.

Pare qu'e mostro pleijin! (Pleijin affroeu coume djon e joun). E ch'ënn bâlon tchui, tsassÛ mAe, via e douenno. E via po chë rattrapi proeu puchÛ yoeudjë can "ron doain, é dzouënno po che fèire a veirre e matte po véirre. Oora i ya djà pa méi gnou â télévijion, aànmon tchui méi ââ battre é marté amu Jehlouje pe na frèi de metsance. E veréi qyë decouûte à pationère i y a oun bârre (ouna choorta de pënnta âwoe vindon de câfé, de té e d'âtre beande). E poè, can i chan è pâ frei, i frei è chan!

- E benn an bien fé! Yo chéi contin po e dzouënno. Tanq'ora, e demindze apréi denâ, i chaàn pâ dèque battre. Chi cou che derrûlon! I yàn oun idéal! aprinjon e loè sportive!

- Woèè. Demindze pachâ an djà ju oun matche international.

- International? Awoè câ?

- Avoë Chachon. T'â proeu cugnu che qyë dejei: « Adieu, chère amie, je quitte la Suisse et je pars pour Saxon »?

- Câ è q'a gâgnâ?

- I radio a pa'ounla poubléA e résulta. Ma chin qyë chéi te dère, è qyë chi cou quiënn à Cortina d'Ampezzo, e tsama de Nindâta farin à parlâ de lou!

- E benn tan mia! santé.

M.M_____